

Rasim Lakota
Zastupnik SBB BIH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Ministarstva unutrašnjih poslova Kantona Sarajevo
n/r Ministarstva za rad, socijalnu politiku, raseljena lica i izbjeglice Kantona Sarajevo

Sarajevo, 05.03.2018.godina

ZASTUPNIČKO PITANJE

Ja bih uputio pitanje, koje bi se nakon što dobijem odgovor moglo pretvoriti u inicijativu!

Naime, svjedoci smo pojave migranata iz Sirije, Afganistana, Palestine, Iraka, Turske, Irana i drugih zemalja, na području Kantona Sarajevo.

Ovo je pitanje sa kojim se susjedne zemlje vrlo ozbiljno suočavaju, dok je BiH do sada, bila uglavnom zaobiđena na njihovom putu prema Zapadnoj Europi .
Nemamo službene informacije u Skupštini Kantona Sarajevo o eventualnom broju osoba koje su tranzitirale kroz BiH ili su se zaustavile u zemlji. Ako ostaju u Kantonu Sarajevo, kakav status te osobe dobivaju, gdje su smještene i ko o njima brine?

Sarajevo zbog svoje tradicionalne gostoljubivosti, ali i zbog činjenice da smo te godine bili u okruženju i posebno činjenice da su naši građani tokom rata bili izbjeglice u preko sto zemalja svijeta (njih oko 1,2 miliona), ne smijemo i nećemo dozvoliti da po Kantonu Sarajevo imamo ljude o kojima se ne zna, koji su za vlasti „nevidljive“, koji nemaju pravo da se liječe, školuju i dr.

Znamo da su ova pitanja nadležnost institucija na nivou BiH, ali ono što mene interesuje i za što tražim odgovor od Ministarstva unutrašnjih poslova i Ministarstva za rad, socijalnu politiku, raseljene lica i izbjeglice, jeste sljedeće :

- Ima li legalnih ili možda ilegalnih tranzita i boravaka migranata u Kantonu Sarajevo
- Koji im je pravni status odobren u BiH i Kantonu Sarajevo. i šta im taj status garantira u smislu pristupa pravima za vrijeme boravka u BiH (smještaj ishrana, liječenje, školovanje, soc.zaštita...)?

Ovim pitanjem skrećem pažnju na ove nesrećnike, koji su prognani iz svojih zemalja te skrećem pažnju nadležnim institucijama da sačuvaju „obraz“ BiH i Sarajeva u međunarodno pravnim okvirima .

Zastupnik SBB BIH

prof. dr Rasim Lakota